

Ciet Diuqqung Yizcuz Nazboh

□ Daenggingh cingileix



▲ Bouxdaeuz niemh ging baiq sienbaed.

◀ Doq daz doq diuq.



▲ Bae, doengzcaeuz bae diuqqung.

Nazboh ciet diuqqung Yizcuz, hix heuhguh ciet diuqgoeng, dwg ngoenzciet cojcienz youq Nazboh Yen doengh mbanj Yizcuz, doenghgij dieg cienzlah daeuz dwg Cwngz-siengh Cin Mbanjdazlaz, Mbanj-nenbiz, Mbanjcejsiengz sam aen mbanj neix caeuq Yavaz Yangh Mbanjbohvuj; aen ciet neix guh sam ngoenz.

Aen ciet diuqqung hozdung lai dangqmaz, mboengq gvaq ciet ne, gyoengq beixnuengx Yizcuz daenj ndangdaenj minzczuz, naengj haeux-naengj, ngauz laeujhaeuxyangz, gaj mou gaj bitgaeq, angq diuq foux Yizcuz, boq aen'gyoux (cungj yozgi aeu lwggyoux guhbaenz) gag cauhaenz, roq yiengj aen gyongluengz, bouxboux cungj naj riu sim angq; doenghgij foux, doxgaiq yozgi, ndangdaenj gyoengqde cungj yienh-ok minzczuz daegsaek noengzna youh cojcienz haujlai nanz.

Gvaq aen ciet neix vunz Yizcuz aeu baiq sienbaed caeuq eu fwen diuqfoux guhdaeuz, baez ciet neix aeu guh hozdung sam ngoenz cij liux. Ngoenz daih'it, caeqbaiq cojcoeng goengboh caeuq sienbaed. Neix liuxle, vunzlai comz daengz diegdangz ndaw mbanj doengzcaeuz

diuqfoux, caiq yienh'ok aen ciengz-mienh angqhoh bouxhoenxcienq ndaej hingz le dauqma, neix laeb-daeb guh daengz ngoenz daihngieh. Ngoenz daihngieh banhaemh, vunzlai youh bae daengz gak ranz gak hoh diuqfoux, doxhoh bingzonj caeuq gwn van youq ndei. Mboengq diuqfoux song ngoenz neix, ndawde lij miz doenghgij biujiyenj neiyungz dinghndei youh miz daegsaek minzczuz. Ngoenz daihsam dwg guh "sam hat", couhdwg hwnj bya hwnj ndoi bae caeq bya baiq bya, baiq bya liux le, gyoengq bouxhek cungj deng lizhai bae caez, mboujne couh deng dangguh bouxnyauzsae. Ngoenz haenx, caj bouxhek lizhai liux, daengxcungq vunz ndaw mbanj mbouj guenj mehmbwk bouxsai fanzdwg guh ndaej hong haenx cungj deng roengzdoengh bae guh cungj hong ndeu, neix couh gangj dwg vunz gaenx couh miz sienbaed bauj ndei, bineix dajdaem dajciengx haengj-dingh sou ndaej lai.

Ciuq cienzgangj youq ciuhgeq bouxbing Yizcuz deng vunzdig humx youq ndaw ndoeng gocukgim laep-ngungau bae, cingzgvang yungyiemy dangqmaz. Sawqmwh, miz daegmbauq ndeu ok geiqmaeuz, aeu

faexcukgim daeuj guh gung guh naq, haenqrengz fanjhoenx vunzdig. Caen dahraix, doenghgij naqcukgim gaiq-gaiq cungj nyingz deng vunzdig, hoenxcienq mboujduenh ndaej hingz, daengzlaeng youq liggaueq seiq nyied co daj vunzdig doiqdauq bae lo. Vunzlai gak mbanj mbouj lumz aencingz gocukgim gouq mingh, couh youq diegdangz ndaw mbanj dajdaem gocukgim dangguh doenghyienh geiqniemh. Vunzlai roq gyongluengz, boq aenvenz, eu fwen diuq foux, angqhoh hoenxcienq ndaejhingz. Neix dauqlaeng bibi cungj cienz roengzdaeuz, couh baenz le "ciet diuqqung".

Mboengq gvaq ciet diuqqung, mboujdan miz vunz beixnuengx Yizcuz doxgyawj mbanj haenx daeuj camgya, hix miz vunz Bouxcuengh, Bouxgun daengj vunz beixnuengx minzczuz daeuj angqhoh, doengz gvaq caez angq, neix cauhaenz minzczuz doxgiet ndei dangqmaz bae.

Bi 2007, Nazboh ciet diuqqung Yizcuz ginggvaq Gvangsih Bouxcuengh Swigih Yinzminz Cwngfuj baecinj, ndaej senj haeuj daih'it buek swigih gaep feihvuzviz vwnzva yizcanj mingzloeg.



▲ Bouxboqgyoux youq baihnaj yinx loh.



▲ Boq venz diuq foux.



▲ Vunzlai caez diuq caemh angq.



▲ Diuq foux Yizcuz daegbied dangqmaz.



▲ Yienj aen ciengzmienh vunzciuhgeq hoenxcienq.



▲ Aen gyongfaex miz daegsaek dangqmaz.